



INATSISARTUT

**Aningaasaqarnermut, Aatsitassanut
Nunanullu Allanut Naalakkersuisoq**

Ulloq: 18. december 2015
J.nr.: 01.31.06/15-00704

**Aningaasaqarnermut Akileraartarnermullu Ataatsimiititaliap tallimanngornermi
ulloq 18. december 2015-imi aalajangiineranik Naalakkersuisunut ilisimatitsineq.**

**Tunami Piterarnerata kingunerisaanik ikiuniarnissamut 500.000 kr.-inik immikkoor-
titsinissaq pillugu ilassutitut aningaasaliineq - Suliaq nr. 01.31.06/15-00704.**

” Naalakkersuisut inassutigaat


- konto pingaarnermut 20.11.50-imut, Ingerlatsineranut sillimmatinut tunngasumut, aningaasaliissutit 500.000 kr.-inik ikilineqassasut,
- konto pingaarnermi 51.01.04-mi, aallarteqqinnissamut tapiissuteqartarnermut tunngasumi, aningaasaliissutit 500.000 kr.-inik amerlineqassasut,
- ilanngussaq konto pingaarnermut 51.01.04-mut, aallarteqqinnissamut tapiissuteqartarnermut tunngasumut, oqaasertaliussamik oqaasertaliussamullu nassuiammik imaqartoq naapertorlugu konto pingaarnermut 51.01.04-mut, aallarteqqinnissamut tapiissuteqartarnermut tunngasumut, oqaasertaliussaq ilanngunneqassasoq.”

**Aningaasaqarnermut Akileraartarnermullu Ataatsimiititaliap oqaaseqaatai
apeqqutaalu:**

Illassutitut aningaasaliissuteqarnissamik qinnuteqaatip uuma Naalakkersuisunit Aningaasaqarnermut Akileraartarnermullu Ataatsimiititaliamit nassiunneqarsimanera ataatsimiititaliamit nuannaarutigineqarpoq. Tassunga tunngatillugu Naalakkersuisunut 1. december ataatsimiititaliap allagai assilineqarnerat ilanngunneqartoq ataatsimiititaliamit innersuussutigineqassapput. Saaffiginnissutip Nunanut Sillimaniarnermullu Ataatsimiititaliamit Naalakkersuisunut nassiunneqartup taparserneqarnera allakkani ataatsimiititaliamit oqaatigineqarpoq. Taamaattumillu Syriami sorsuunnerup kingunerisaanik qimaasunut ikiuniarnissamut 250.000 kr.-it tikillugit immikkoortinneqarnissaat pillugu ilassutitut aningaasaliissuteqarnissamik qinnuteqaammik takkuttoqarnissaa ataatsimiititaliamit naatsorsuutigineqarsimavoq. Aningaasanut inatsisip ukiua naatinngu qinnuteqaammik taamaattumik takkuttoqassanersoq paasisutissiissutigineqassasoq ataatsimiititaliamit kissaatigineqarpoq. Taamaangippat qinnuteqaammik taamaattumik sooq nassiussisoqalersaanginnersoq pillugu apeqqut akineqassasoq ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasa-
qarnermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua